



Broj: 01-45-908/22
Tuzla, 07.03.2022. godine

PARLAMENT FEDERACIJE BOSNE I HERCEGOVINE
Hamdije Kreševljakovića broj 3
71 000 Sarajevo

PREDSTAVNIČKI DOM
n/r g. Mirsad Zaimović, predsjedavajući

DOM NARODA
n/r g. Tomislav Martinović, predsjedavajući

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Prijedlog: 07-03-2022

Org. jed.	Broj	Priloga	Vrijednost
01,02	- 11 -		2523 / 21

PREDMET: Odobranje dodatnih budžetskih sredstava u odnosu prijedlog Budžeta za 2022.godinu, zahtjev, dostavlja se,-

Poštovani,

Obraćamo Vam se sa zahtjevom da kroz amandmansko djelovanje odobrite dodatna sredstva u ukupnom iznosu od 788.000 KM (slovima: sedamstotina i osamdesetosam hiljada KM) za potrebe Kazneno popravni zavod poluotvorenog tipa u Tuzli, a koja su nam neophodna radi stvaranja minimalnih uslova za nesmetan rad i funkcionisanje navedene ustanove od posebnog značaja za Federaciju Bosne i Hercegovine.

O b r a z l o ž e n j e

Kazneno popravni zavod poluotvorenog tipa u Tuzli (u daljem tekstu: KPZ Tuzla) kao ustanova od posebnog značaja za Federaciju Bosne i Hercegovine u kojoj se svakodnevno nalazi cca 260 osoba koje izdržavaju kaznu zatvora ili kojima je određena mjera pritvora, u cilju održavanja sigurnosnog ambijenta, odnosno stvaranja minimuma preduslova za nesmetan rad i funkcionisanje KPZ Tuzla, a nakon obavljene prvobitne analize i uočavanja nedostatka personalnih kapaciteta, materijalno tehničkih sredstava, objekata koji se nalaze u nezavidnom stanju kao i enormnog povećanja cijena na tržištu, neophodno je hitno povećanje finansijskih sredstava u Budžetu KPZ Tuzla za 2022. godinu, te koristimo priliku da ukažemo na potrebu povećanja broja izvršilaca i materijalno-tehničkih sredstava, jer se poslovi i zadaci u KPZ Tuzla izvršavaju sa nedovoljnim personalnim i materijalno-tehničkim kapacitetima što se direktno ili indirektno odražava na svakodnevni rad i funkcionisanje KPZ Tuzla.

Kao razlog za razmatranje i eventualno udovoljavanje ovom zahtjevu, posebno navodimo činjenicu da se u KPZ Tuzla nalazi 180 osuđenih osoba na izdržavanju kazne zatvora, dok se 81 osoba nalazi u pritvoru, sa tendencijom povećanja broja osuđenih i pritvorenih osoba, iako je kapacitet pritvorske jedinice maksimalno 75 osoba, a što je u odnosu na decembar 2021. godine, mnogo više.

Ovim putem želimo istaći da je u KPZ Tuzla trenutno raspoređeno 94 zatvorska policajca-stražara od kojih je za cca 15 utvrđena invalidnost druge kategorije, da je pored toga konstantno cca 10 zatvorskih policajaca privremeno spriječeno za rad (bolovanje), omogućavajući im pravo na korištenje godišnjeg odmora, sa tendencijom sporazumnog raskida radnog odnosa i odlazaka u penziju, KPZ Tuzla u veoma teškoj situaciji održava sigurnost u navedenoj ustanovi.

Neophodna je popuna u ovom trenutku minimalno 15 zatvorskih policajaca-stražara, i to 10 muškog spola i pet ženskog spola kako bi se pokušao održati kontinuitet rada.

Uzmemo li u obzir da tri vaspitača rade sa 260 osuđenih i pritvorenih osoba, kao i da im u tome pomaže jedan psiholog i socijalni radnik očigledno je da postoje veliki problemi u funkcionisanju Službe za odgoj/tretman, a uzimajući u činjenicu da prema trenutnim informacijama postoji velika mogućnost sporazumnog priekida radnog odnosa od strane dva vaspitača radi odlaska u inostranstvo, bilo bi potrebno odobriti popunjavanje za još najmanje dva državna službenika i jednog namještenika u navedenoj Službi uzmemo li u obzir trenutni nedostatak i u skorije vrijeme odlaske u penziju, a prijem tih osoba se vrši putem Agencije za državnu službu Federacije Bosne i Hercegovine (u daljem tekstu: ADS FBIH) koji traju dugo.

U sektoru za pravne i opće poslove, trenutno radi samo jedno stručno lice i to pomoćnik direktora. Teško je i gotovo neprovodivo svakodnevno obavljanje stručnih poslova u navedenom Sektoru, naročito ako uzmemo u obzir činjenicu da osoba koja je raspoređena na poslove pomoćnika direktora u Sektoru za pravne i opće poslove ima pravo kao i svi zaposlenici na korištenje godišnjeg odmora te da vrlo lako se može desiti da ista bude i privremeno spriječena za rad.

U KPZ Tuzla na administrativnim poslovima radi samo jedan daktilograf, koja obavlja poslove tehničkog sekretara, prijema i otpreme pošte i pisarnice, iz razloga što su ta mjesta upražnjena zbog prelazaka u drugi organ, smrti i penzionisanja, a ista nikad nisu popunjena. Odsustvom tehničkog sekretara nastaju ogromni problemi u funkcinosianju pisarnice a samim time i KPZ Tuzla.

Sve naprijed navedeno ukazuje na potrebu pravovremenog reagovanja, a sve u cilju zaštite interesa ove ustanove kao posebne ustanove i valjanog nesmetanog obavljanja poslova, iz nadležnosti iste.

KPZ Tuzla je do 15.8.2021. godine, a u skladu sa Zakonom o budžetima FBiH kao i Budžetskim instrukcijama broj 2 dostavio svoj budžetski zahtjev putem informacijskog sistema za planiranje i upravljanje budžetom (BPMIS). Međutim, u periodu od dostavljanja zahtjeva pa do danas je došlo do velikih poremećaja na tržištu, naročito hrane i energenata, što za sobom vuče i rast svih ostalih cijena i dovodi u pitanje realnost poslanog budžetskog zahtjeva.

Naime, dobavljač voća i povrća, sa kojim je u šestom mjesecu 2021. godine potpisan ugovor o isporuci, je samovoljno obustavio isporuku i tražio raskidanje ugovora krajem 2021. godine zbog nemogućnosti ispunjavanja istog jer se više ne može uklopiti u cijene date u ugovoru. Novi ugovor za brašno i pekarske proizvode je za 80% ili 78.000,00 KM veći nego isti ugovor u prethodnoj godini, a postupci za ostale ugovore tek slijede. Uz ovo naročito skrećemo pažnju i na najavljeno poskupljenje električne energije, kao i na evidentan rast cijena goriva na tržištu, kao i na kontinuirano povećanje broja osuđenih i pritvorenih lica.

Sve ovo ukazuje da povećanje budžeta za materijalne troškove od cca 17% u odnosu na budžet odobren za 2021. godinu, neće omogućiti nesmetano funkcionisanje KPZ Tuzla.

Iz tog razloga Vas molimo za odobravanje dodatnih sredstava, i to na ekonomskom kodu

- 6132 Izdaci za energiju 15.000,00 KM
- 6133 Izdaci za komunikaciju i komunalne usluge 40.000,00KM
- 6134 Nabavka materijala i sitnog inventara 100.000,00 KM
- 6135- Izdaci za usluge prevoza i goriva 10.000,00 KM
- 6137 Izdaci za tekuće održavanje 25.000,00 KM
- 6138 Izdaci osiguranja 8.000,00 KM
- 6139 Ugovorene i druge posebne usluge (liječenje osuđenih lica) 30.000,00 KM

Pored ovoga, KPZ Tuzla u svom voznom parku jos uvijek ima vozilo Golf 2 i koje je stariji od 30 godina, a koje je neophodno hitno zamjeniti, čime bi se omogućio nesmetan rad uposlenicima zaduženim za elektronski nadzor osuđenih lica, kao i medicinskoj službi, s obzirom da se rad u KPZ Tuzla odvija na dvije lokacije. Pored toga neophodna je i nabvka jednog specijaliziranog vozila za transport osuđenih lica, kao i policijske opreme koja nije nabavljana već dugi niz godina (motorole, peper sprej, mobilni metal detektori, municija za obuku i vježbe zatvorskih policajaca-stražara).

Za te potrebe na ekonomskom kodu 8213 potrebno nam je još 120.000,00 KM.

Povećanje broja osuđenih i pritvorenih lica, žensko odjeljenje zatvora, kao i rad na dvije lokacije zahtjeva hitno popunjavanje sistematizacijom planiranih radnih mjesta i to 15 zatvorskih policajaca-stražara, tri državna službenika i tri namještenika, uzimajući u obzir da se radi isključivo u održavanju sigurnosti ustanove i odgojnog tretmana za osuđena lica, a koji u proteklom periodu nije adekvatno popunjavan.

Za te potrebe na ekonomskom kodu 611 potrebno nam je još 440.000,00 KM.

Također, želimo ukazati i na to da KPZ Tuzla u odnosu na druge institucije ima svoje specifičnosti, i ne radi se o klasičnom ministarstvu ili drugom organu uprave, već o posebnoj ustanovi čiji budžeti se na svim nivoima u Bosni i Hercegovini, zbog nadležnosti, organizacije, broja zaposelnih, potrebe operativnosti i drugih specifičnosti moraju razmatrati i tretirati izvan pravila i ograničenja koja se primjenjuju za ministarstva i druge organe uprave.


S tim u vezi, ovim putem molimo da se dodatno razmotri mogućnost povećanja Budžeta za KPZ Tuzla, a kako bi se stvorile neophodno potrebne pretpostavke za povećanje broja izvršilaca, materijalno-tehničko opremanje nužno potrebnim sredstvima i opremom, odnosno stvorili preduvjeti za funkcionisanje i nesmetan rad KPZ Tuzla.

U nadi dodatnog razmatranja naprijed navedenog, iskazujemo punu spremnost i za davanje dodatnih pismenih ili usmenih obrazloženja i finansijsko konkretiziranje zahtjeva u skladu sa Vašim uputama, te Vam se unaprijed zahvaljujemo.

S poštovanjem,

Dostaviti:

- Naslovu (elektronskom i redovnom poštom);
- g. Ivan Miličević, sekretar Predstavničkog doma (elektronskom poštom);
- g. Izmir Hadžić, sekretar Doma naroda (elektronskom poštom);
- a/a.


DIREKTOR
Jasmin Omerebegović